

1580 novaſque in iis turbas exorientes reprimere : Carolum ea cogitantem, monitorum patris memorem, in neutram propendere partem decreviſſe; opem ea in re, conſiliumque Senatus poſcere; rogare in Reipublicæ clientelam recipi; nunquam ab ea diſceſſurum, quam ad Italiæ quietem ſervandam neque minus ad ſe ſuaſque res decuſque ſuſtinendum proclinatam intelligeret. Martinengio Senatuſconſulto reſponſum, de propenſa in Rempublicam voluntate, deque iis quæ nuntiaverat, Carolo gratias agi; alio nunquam Senatus cogitata atque actiones, quam ad publicam tranquillitatem reſpexiſſe; idem Sabaudum non minus reipublicæ chriſtianæ, quam ſuarum ditionum beneficio, quæ in Italiæ foribus inter duos potentiſſimos Reges ſitæ ſint, facturum ſibi perſuaſum eſſe. Ea omnia Pontifici Patres communicant, ut diſſidiorum initia, quæ exilia plerumque neglecta, tractu temporis ingentia evadunt, unanimi conſilio tollerentur.

At Pontifex, licet publicæ tranquillitatis, atque Italicæ quietis ſtudioſus eſſet, attamen alia coquebat animo, ex quibus graviffimæ contentiones eo anno in Italia, ac præſertim cum Veneta Republica exarſere. Harum duo potiſſimum capita extitere, alterum de religioſis locis cenſoria cum poteſtate inviſendis, alterum de controverſia inter Aquilejenſem Antiftitem ac Venetos nuper exorta. Illud ſumma animorum acerbitate agitatum, brevi definitum eſt; hoc vero reliquum Gregorii pontificatus variis contentionibus exhaustit. Quæ quoniam ea tempeſtate per Italiam non modo, verum per externas quoque provincias, variis ſermonibus diſſipata ſunt, ſilentio præteriri nequeunt; eoque in primis, ut pateat quantum chriſtianæ reipublicæ interſit, eos, qui ad ſupremum pontificiæ dignitatis apicem ſunt eveſti, nihil per factum moliri, at prudentia ſimul & charitate reliquos Principes complecti; eorumque omni officio in ſanctiſſimam illam Sedem ſtadium & obſequium alere. Gregorius itaque, ut tota Italia religioſi viri, eorumque coetus inviſerentur, ſtatuerat; idque Mediolani a Carolo Borromeo, Bononiæ a Camillo Paleotto Cardinalibus, Florentiæ quoque fieri curaverat; id ipſum ut Venetiis efficeretur, decrevit. Ea de re Patres certiores facti, a Joanne Triviſano, Venetiarum Antiftite, ut id

mu-

Gregorii
Pont. & Venetorum
controverſia de
religioſis locis
inviſendis.